

昭

代

典

則

昭代典則卷十五

賜進士太子少保刑部尚書晉江黃光昇編纂

吳郡陸紳之訂正

書林周日校刊行

英宗睿皇帝

丙辰正統元年春正月帝御經筵

時中官王振用事考功郎中李茂弘嘗言可憂者君臣之情不通今經筵進講不過應故事以粉飾太平而睜隔蒙蔽未必無意外之虞也遂抗章致仕去

二月命僉都御史王翱鎮守陝西○三月賜進士周旋等一百人及第出身有差○命行在兵部左侍郎柴車恭贊

陝西軍務

先是虜酋朵兒只伯擁衆入寇鎮番副總兵劉廣往援遇虜而退虜隨逼涼州廣閉門不出虜大掠而去廣奏功徵賞車効其罔上不法諸事請寘之法又劾奏寧夏守將失作詔各械繫至京下獄朝廷以卓公嚴執法可當師帥之任故有是命仍以白金文綺賜之

陞應天府尹鄭堃爲兵部左侍郎○夏四月河北旱蝗遣工部侍郎邵旻督捕之○五月初設提學憲臣

南北直隸御史各一員各省按察副使或僉事各一員專勅責成不許巡按御史侵越

以薛瑄爲山東提學僉事○勅諭都察院及各處按察司

勅曰朝廷設風憲所以重耳目之寄嚴綱紀之任凡政事得失軍民休戚之所當言糾舉邪惡伸理冤枉亦宜所當爲比之庶官所係甚重近年以來未盡得人或道理不明操行不立或法律不通行移不諳或逞小人以張威福或搜細過以陷良善甚至假其權位貪圖賄賂以致是非倒置冤抑無伸而風紀之道遂致廢弛自今監察御史有濫職及失職者令都御史及各道御史糾舉黜退按察司官有濫職及不稱職者令按察司使及同僚糾舉黜退仍令吏部今後初任者不許銓除風憲凡監察御史有缺令都察院堂上官及各道官保舉務要開具實跡奏聞吏部審察不謬然後奏除其後有犯

賊濫及不稱職者。舉者同罪。爾等其欽承勿怠。

六月陞江西左布政使陳智爲行在右都御史。○秋七月徙封襄獻王於襄陽淮靖王於饒州。○九月內閣張瑛卒。○冬十月瓦剌脫歡與其部酋朵兒只伯雉殺。○十二月命兵部尚書王驥巡視陝西諸塞。

先是鎮守平涼等處都御史羅亨信與都督趙安率岷洮等衛兵巡邊遇虜安與都督蔣貴聽都指揮安敬議逗留不行亨信至其營責之貴等以芻糧不繼爲解亨信劾貴敬等老師玩寇侵剋軍餉乞正罪以振軍法上乃勅王驥巡邊整飭軍務許以便宜行事

丁巳二年春二月以宋儒胡安國蔡沉真德秀從祀孔子

廉庭○夏五月行在左都御史顧佐致仕

是年佐考察罷御史邵宗宗九載滿在吏部。上爲原宗詰佐佐遂請老去家居十餘年卒。佐性嚴重守正嫉邪人無敬懼以校竟辭之去

六月行在會都御史魯穆卒

穆自御史陞福建按察使事理寬濫愆會墨柳豪強直介穆立不可干以私泉州人有李姓者妻吳美舊與富姻沐私率調官廢西林令二僕從李行殺之道中并殺其姪吳竟適林李宗人訴之郡郡得賂反坐李宗人誣又訴按察司司得賂如郡十餘年未決公故廉得踪跡其言一詎林卽服漳富人許初無子後兄子已而妻有

子與兄子賢三之一。托已子。許歿兄子言妻子非許子也。遂去盡奪其資。公大召縣中父老及許宗人詢之。皆曰。妾子本許種也。兄子始服罪。超陞僉都御史。召入臺。穆自幼舉動異常。兒稍長。攻苦食淡。力學博經史。嘗大書座右。咬得菜根。百事可做。比入官。請寄不行。問遺並絕。義色正。詞清。心寡慾。蒞政臨民。外嚴內恕。決疑應變。才氣雄敏。歷官中外三十餘年。家無餘資。沒不能斂。

秋九月。脫脫不花遣人貢馬。厚賜之。○虜酋朵兒只伯入掠甘涼。命兵部尚書王驥總督陝西軍務禦之。

時朵兒只伯數入塞寇掠甘涼。命驥總諸軍與更宜勅西征。至軍中。大會諸將。轅門問將校畏敵不畏軍令者。

誰畏甚。諸將伏地。仰面齊應曰。都指揮安敬驥立縛敬  
斬轅門。遂大閱士伍。定更番。減輸輓。飽士調馬。養銳待  
虜。虜至莊浪。卽授方略。遣出戰。稍捷。虜引去。未幾。虜復  
至。驥馳至甘州。簡副將蔣貴。率精騎追擊。飛貴曰。努力  
破賊。樹功名。否。無相見。繼遣趙安率兵由東涼州逾白  
鴉孤口。北抵赤林鐵門諸關。爲犄角之勢。貴遇虜石城  
兒泉。與戰。虜敗。尚數窺邊。近驥曰。虜未大衄。不畏我不  
退去。我罷於奔命。遣謀知虜巢所在。復用貴先鋒。驥率  
兵與都督任禮等分道出塞。期會夾攻。轉戰二千餘里。  
俘虜人畜數千。朵兒只伯率數十騎遠走。尋外上勞驥金幣。  
召溫州知府何文淵爲行在刑部右侍郎。○令三品以上



京官薦堪任方面郡守者

洪武永樂間方面郡守皆令吏部選除至宣德時以藩臬二司及府州正官多不得人百姓受害故令大臣舉保行之既久公道者少人有拜官公朝受恩私室之議乃請復洪武永樂故事上命內閣議之楊士奇請仍從保舉之例故有是令

戊午三年夏四月宣宗章皇帝實錄成進楊士奇楊榮少師楊溥少保武英殿大學士王直王英並禮部左侍郎李時勉錢習禮爲翰林學士○五月江北大水

五月江北大水直隸淮楊地方被災鹽課虧少上命巡撫侍郎周忱往視之忱奏令蘇州等府將撥剩餘米每

府量撥一二萬石運揚州各鹽場收貯照數出給通關  
准作次年預納秋糧其米聽令寬戶將私鹽於附近場  
分上納卽照時價給米食用於時米貴鹽賤官得積鹽  
民得食米上下賴之

追復故汜水縣典史曾泉官

河南叅政孫原貞奏故汜水縣典史曾泉始由進士任  
御史以事降黜自宣德六年到任廉謹勤能課農勸學  
官有儲積民無科擾歷任三年家給人足俗醇訟簡然  
其所以裕民者不過用民力因地利以阜其財厚其生  
耳聖明在上郡邑率多俊乂然求其如泉者不多得也  
臣至其邑泉已沒三年民之懷惠至今稱之乞勅該部

覈實原其過名追復其官以爲天下士風之勸從之

六月大學士楊士奇等請清解發戍從南北所宜詔廷臣議行之

楊士奇楊溥楊榮上言。今遣御史清軍有以陝西山東山西河南北直隸之人往南方極邊補伍者。有以江浙閩廣川湖之人往北邊補伍者。其水土不相習。北人苦於瘴癘。南人苦於嚴寒。多致死亡。深爲可憫。又西北二邊急於防守。而其地勇壯之人。乃發戍南方。自今邊卒清解發戍。宜從南北所宜。庶幾人宜水土。兵政有備。詔廷臣議行之。時兵部侍郎鄺瑩掌部事曰。此舊制。不可。奈稍有變易。恐啟弊端。各將誰歸。竟寢。君子謂三楊之

議是矣。未免猶以專柄爲嫌。而不果於行。若郝瑩則硜硜自守。而不達時宜者也。

秋八月順天貢院災

翰林侍講學士曾鶴齡主考順天鄉試。初試之夕。場屋火。試卷有殘缺者。有司懼罪。不敢以更試爲言。惟欲請葺場屋。以終後兩試。鶴齡曰。必更試。然後滌百弊。以昭至公。不然。雖無所私。此心亦欺。朝廷可惜一日之費。不成此盛舉哉。有司具二說以進。命下悉如鶴齡所言。人皆懾服。是科稱得士云。

冬十月召王驥還京。兼大理卿。掌兵部事。封蔣貴爲定西伯。任禮爲寧遠伯。趙安爲會昌伯。○陞柴車兵部尚書。仍

替理陝西軍務

車盡心邊務數糾劾將佐欺玩或怵以後患車曰吾敢愛身以誤國耶同事者毋不悅其所爲車亦惡其宴樂忽大計遂斷酒肉澹泊以自處凡宴樂皆不與而持論益堅據理守正凡有功賞雖勅下必覆驗而後行詐冒必糾正之岷州土官都指揮后能以家人冒功得陞賞車奏罷所陞官能復以爲請上宥之車反覆論其不可曰詐冒如能者非一人臣方按覆皆請罷今宥能如餘人何若無功而得官則捐軀效敵者何以待之詔嘉車忠誠遣賜白金文綺仍進尚書

雲南麓川宣慰思任發叛○十一月以陳敬宗爲南京國

子祭酒

已未四年春正月遣刑部主事楊寧往龍川諭恩任發不  
聽○二月大學士楊士奇展墓尋還朝○三月賜進士楊  
鼎等一百人及第出身有差○逮湖廣巡按御史陳祚下  
錦衣獄尋釋之

祚按湖廣益持風紀上言遼王滅絕天理瀆亂人倫數  
事上怒遣官校械繫下獄論死未幾王事自覺廢爲庶  
人乃宥祚改南京雲南道御史尋陞福建僉事

夏四月倭奴大寇浙東

先是日本來貢人船刀劍不奉約束宣宗諭使臣後貢  
毋過三舟使人毋過三百刀劍毋過三十續來貢如約

束受之及源道義卒命太監雷春弔祭嗣王遣使貢謝  
自後方物戎器滿載而來遇官兵矯云入貢貢卽不如  
期守臣幸無事輒請俯順夷情主客者爲畫可條奏卽  
復許貢云不爲例嗣後再至亦復如之我無備卽肆出  
殺掠滿載而歸宣德末年海防益備賊不得間貢稍如  
約遂許夷至京師宴賞市易飽恣其欲已而備禦漸疎  
是年寇大嵩入桃渚官庾民舍焚劫一空驅掠少壯發  
掘塚墓束孩兒竿柱上沃之沸湯視其啼哭拍手笑樂  
捕得孕婦村度男女剝視中否爲勝負飲酒荒淫穢惡  
至有不可言者積骸如陵流血成川城野蕭條過者墮  
淚於是朝廷下詔備倭命重帥守要地增城堡謹斥堠

修戰艦合兵分番屯駐海上寇盜稍息

五月命黔國公沐晟率兵討麓川思任發都督方政力戰  
歿之晟還至楚雄卒○召山東右布政使王質爲戶部右  
侍郎○六月京師大水令戶部侍郎吳璽順天府尹姜濤  
存問賑恤

勅曰朕承祖宗大統奉順天道以父母斯民爲心用圖  
安集夙夜匪怠今年五月以來天雨連綿潦水泛溢京  
城內外官員軍民房屋有多坍塌低窪者盡行湮沒被  
水軍民老幼徬徨無存身之地應有爲水所溺爲牆屋  
所壓而歿者困迫已甚而雨猶未止洪範庶徵實由人  
辜靜思厥咎深切于懷爾戶部委侍郎吳璽順天府委



府尹姜濤存問軍民被水之家及有人口壓溺歿者其奏量加賑恤工部委侍郎邵旻都察院委僉都御史曹翼六科其推舉廉正給事中二員一同踏勘京城內外高爽之地及比先營造廠房今可歸併者斟酌歸併以其地分給軍民居住工匠有見係在官今房屋爲水塌塌者免役兩箇月使之修葺等受朕職任互體朕仁民恤患之心毋徇請託毋肆欺蔽必公必正使民生得所天意協和庶副朕之委任欽哉

戒諭南京諸臣修省求直言

皇帝勅諭南京守備襄城伯李隆泰贊機務兼戶部尚書黃福及五府六部都察院等衙門官朕承大統夙夜

惟天惟祖宗付託之重不敢怠逸比年以來停罷一切徵斂除逋負薄刑罰所冀四方咸遂生息今歲以來災沴數見京畿尤甚兼以各處水旱相仍軍民困苦洪範咎徵皆由人事此蓋朕不德所致也修省兢惕勉圖善道爾等皆與同休自今其體朕心以敬天愛人爲心毋懈夙夜夫持廉戒貪者善身之本至公絕私者善政之要欽哉勗哉無懈朝夕庶幾以回天意以固宗社生民之福爾等尚亦有利哉凡軍民一切利病及今可以濟時恤患除奸去弊之事許諸人指實直言無隱翰林院編修劉定之應詔陳言留中

翰林編修劉定之上言十事一言號令之出宜求其大

公至正久而無弊信賞必罰不爲苟且二言公卿侍從  
宜時常召見俾承清問因以觀其才能察其心術而進  
退之三言降胡近處京畿宜漸分其類移置南地四言  
宜以京官出任郡縣使民得蒙循良之政五言宜依唐  
制朝官陞任之時舉賢良自代六言武臣子孫宜習韜  
略七言守令之官宜詳加察八言安富恤貧九言丁憂  
宜令終制十言宜遏僧尼疏留中不下

陞蘇州知府况鍾吉安知府陳本深各正三品俸

以其循良之政

卓冠一時也

○食都御史王翱巡撫四川叅贊軍務○秋八月

丙子朔日有食之○冬十月廢遼王貴烺爲庶人

先是府臣爲貴烺乞加祿上言商王得罪朝廷太祖時

加原貸劑其儀衛止與校尉三百人仁宗命今王嗣侂  
加祿得支二千石宣宗又與旗軍三百人朝廷親親已  
至王於庶母諸弟寡恩府臣不聞匡正直爲王請加祿  
不允至是坐絕滅天理瀆亂人倫廢爲庶人

命戶部遣官平糴倉儲修復水利

楊士奇等上言堯舜之世不免水旱而堯湯之民不聞  
困瘁者有備故也我太祖皇帝篤意養民備荒有制  
天下郡縣悉出官鈔糴穀貯倉以時散斂又相其地開  
濬陂塘修築堤壩以備水旱小大之民各安其業歲久  
弊滋豪猾侵漁穀盡倉毀凡諸水利亦多湮廢或被占  
奪稍遇凶荒民無所賴風憲官不行舉正守令漫不究

心事雖若緩所繫甚切請擇遣京官廉幹者往督有司  
凡豐稔州縣各出庫銀平糴儲以備荒陂塘堤壩皆令  
修復具實奏聞郡縣官以此舉廢爲殿最風憲官巡歷  
各務稽考仍有欺蔽怠廢者具奏罪之庶幾官有備荒  
之積民無早潦之虞仁政所施無切於此上曰此祖宗  
良法美意也命戶部急行之

十一月造渾天璿璣玉衡簡儀○降福建僉事廖謨爲府  
同知

福建僉事廖謨杖笏驛丞楊溥欲坐以償命楊士奇欲  
擬以因公致成互爭不決請裁于太后王振因而進言  
謂溥與驛丞同鄉士奇與僉事同鄉未免皆有私意償

命過重因公過輕。宜對品降僉事爲府同知。太后燧之。自是振漸撫內閣之過。而權歸掌握矣。○按自古小人竊柄。必覲上行事。偶以一二中其肯綮。然後以漸入之。王振蓋其故智也。

十二月徙荆王憲於蘄州。○刊布憲綱于中外諸司。

朝廷建風憲之任。耳目綱紀之寄。所以肅百僚而貞百度也。憲綱之書。肇於洪武。厥後官制不同。所宜因而改畫。而中外憲臣。往往有任情增益者。我皇考宣宗章皇帝臨御臣下。屢以爲言。遂勅禮部同翰林儒臣。考洪武舊文。而申明之。并洪武永樂以來祖宗所考風憲事體。著在簡冊。悉在其中。永示遵守。而益之以訓戒之言。凡

出臣下所自增者已削去之。書成先皇帝上賓。未及頒行。朕嗣位之初。切以風憲爲重。勅有司嚴選務在得人。今外之憲臣復以憲綱爲言。朕今於先朝所考之中。以見行事宜爾。禮部卽用刊印頒布中外。諸司遵守。爾都察院其下各道御史及在外按察司官。欽遵奉行。其洪武以後憲綱凡係臣下自增者不用。敢有故違必罪不恕。欽哉。

庚申五年春正月甲辰朔日有食之。○叅贊機務少保南京戶部尚書黃福卒。

福秉心正大義利介然天下士大夫無論識不識皆知其爲君子。斥奸闢諛無所顧忌。憂國忘家老而彌篤。俸

日知何處惟有群鴉早晚朝。

癸亥八年春正月以王直爲吏部尚書○以王英爲禮部左侍郎馬昂爲刑部右侍郎調吏部侍郎魏驥於禮部○夏四月雷震奉天殿

勅勉群臣曰朕以菲德嗣承祖宗大統國家事重負荷惟難。顙顙之誠不遑夙夜茲五月二十四日雷震奉天殿。鴟吻上天垂戒厥有所由朕省躬思過內懷懼切於心以勉圖自新夫朝政得失亦惟爾文武群臣是賴豈朕一人所能獨理顧茲災咎之由豈祀典之官誠有弗至歟養民之職政有失當歟軍旅之臣今有過苛歟銓選之任進退有乖歟賞罰之行明公不足歟至於刑罰



之過尤干陰陽之和。訴寃有司。抑而不理。指告有禁。違  
例故行。或操已不潔。受人賄囑。或昏懦不明。爲人脅制。  
枉誣平人。傳致其罪。寃苦之聲。充於囹圄。上天降譴。寧  
不由斯爾。群臣皆同國休戚。卽革心改慮。勉効自新。掌  
祀禮者。務隆誠敬。職養民者。務惇仁厚。治軍旅者。務存  
寬恤。任銓衡者。務須正直。持風憲者。必秉至公。存大體。  
保善去邪。毋苟徇私。進退賞罰之官。猶須持廉秉公。心  
存忠厚。見繫之囚。但曾經訴寃者。悉與辯理。有議擬過  
重者。亦與清減。務歸至當。必使服心。乃可回天意。自今  
刑罰務存平恕。庶幾以輔朕于治。經曰。與其殺不辜。寧  
失不經。爾等勉之。如不遵朕言。不悛前過。不有陽責。必

已。自後無人敢復祖宗之舊。迄今遂爲定制。

辛酉六年春正月己亥朔日有食之。○以定西侯蔣貴爲征夷將軍。太監曹吉祥監督軍務。兵部尚書王驥提督軍務。郎中侯璉主事楊寧隨軍贊畫討思任發。○二月命僉都御史王翱鎮守陝西。○大學士楊溥展墓還朝。○夏六月陳智免。以王文爲右都御史。○秋七月丙申朔日有食之。○冬十月奉天華蓋謹身三殿成。○十一月定都北京。除行在字。

十一月定都北京。上御奉天殿朝群臣。大赦天下。詔京師各衙門除行在之稱。永樂初議遷都。設六部等衙門。各稱行在。十八年定都于北。除行在二字。其舊在南京。

者加南京二字。洪熙初仁宗欲都南京而北京各衙門復稱行在至是宮殿完仍定都北京復除行在二字。遂爲定制。

蔣貴王驥等進攻麓川思任發走緬甸遂旋師○右副都御史吳訥致仕○閏十一月以李時勉爲國子祭酒○十二月脫脫不花及脫歡子也先遣使貢馬

壬戌七年春三月賜進士劉儼等一百五十人及第出身有差○論麓川功封蔣貴爲定西侯王驥爲靖遠伯侯璉爲禮部右侍郎楊寧爲刑部右侍郎贈方政威遠伯諡忠毅

麓川本百夷僻遠不當中國一郡驥統兵十五萬轉餉

半天下。至雲南大暑。衆請且按兵。驥曰：賊方熾毒吾民，行不可緩。敢阻軍者，斬。部置至金齒，分三道擣上江。上江者，賊巢也。攻三日不下。會大風，縱火焚賊柵，乘勢力戰，斬首五萬。賊退走，保險拒我。我兵深入，破連環七砦於沙木籠山。又破其象陣，馬鞍山。思任發遁，移兵討韋郎羅。韋郎羅者，維摩賊僭稱廣新王。驥遣偏師抵賊境，言王尚書大軍且至。賊黨潰，韋郎羅走安南。傳檄且入安南，追賊安南人，懼斬其首，并縛妻子來獻。七年，班師還京，封靖遠伯，食祿一千二百石。世持揮同知。

命僉都御史王翱提督遼東軍務。○夏六月庚寅朔，日有食之。○少師工部尚書吳中卒。

吳中奏對聲音宏亮。丰姿篤厚。望之者知爲享爵祿之器。但貪財鉅萬。嬖妾數十人。而其妻素嚴正。中憚之不敢犯。一日關誥迎於家。其妻拜畢呼子曰。將吳中一軸誥來。宜之。我聽問左右曰。此誥詞是主上自言耶。是翰林代草耶。曰亦翰林代草也。嘆曰。翰林先生果不虛妄。吳中一篇誥文。正說他平生爲人。何嘗有清廉二字。中聞之。雖恚強笑容而已。

秋七月吏部尚書郭璉罷

璉在吏部嘗值旱蝗。侍臣言大臣尸位妨賢。內批令自陳。諸大臣遂皆乞去。謝天譴。璉獨不可。曰主上冲年。青輦皆先朝委任。受寄託。一時請去。誰與共理。宜引罪乞

改過璉老矣官至冢宰豈敢貪位顧君臣恩義如此衆是其言䟽上盡留諸大臣至是請老璉秉銓十四年名不及蹇義然廉務採實行不用浮薄游譽之士雖爲內閣所侵能堅忍持正自行其志

九月始置太倉銀庫○冬十月太皇太后張氏崩

太皇太后遺誥吾自洪武中配仁宗昭皇帝三十餘年爲未亡人十有八年今命止此得全歸以從先帝於地下足矣允惟國家重事存沒在念皇帝聰明孝敬仁厚剛栗爾内外文武群臣且盡誠輔導天下者祖宗之天下軍民者祖宗之軍民惟愛人爲保國之本惟施仁爲愛人之道爾群臣咸佐皇帝惇行仁政各秉廉公忠

誠勤慎不懈庶幾克濟宮中大小庶務悉奏皇太后而行諸后妃家並須遵奉皇祖訓戒不許干預國政吾素無德及下身沒之後喪服悉遵仁宗皇帝遺詔以日易月二十七日而除哭臨三日卽止君臣皆同不可故違皇帝宜念萬幾之重群臣當共慰勉毋得過哀成服三日後卽聽政天地宗廟社稷之祭不可以卑廢尊及百神之祀皆循常制勿停宗室諸王藩屏爲重毋輒離本國但遣人進香不必送葬在外大小文武衙門並免進香中外臣民之家勿禁音樂嫁娶悉遵行之毋違尊謚誠孝恭肅明德弘仁順天啟聖太皇太后○初宣廟崩張太后卽命將宮中一切玩好之物不急之務悉皆罷

去裁禁中官。不許差遺。有詔片事皆必白于太后然後施行。委用三楊政在臺閣。太監王振雖欲專而不敢也。每數日太后必遣中官入閣問連日曾有何事來商確。卽以帖開某日中官某以幾事來議。如此施行。太后乃以所白驗之。或王振自斷不付閣下議者。必名振責之。正統數年天下休息。皆張太后之力。人謂女中堯舜信矣。

雲南思任發復反。以定西侯蔣貴爲總兵官。靖遠伯王驥提督軍務討之。

思任發自緬甸復反。仍以驍督軍務。發卒轉餉三十萬人討思任發。貴等至雲南。檄緬甸令縛送思任發。緬甸人懷



詐黨惡匿思任發不遣貴等促兵攻緬破思任發遁去  
乃革麓川宣慰司設隴川宣慰于隴把遂班師加貴驥  
谷歲祿三百石驥復議益兵十二萬於雲南邊境令蔣  
貴總之以俟麓川思任發來降乃罷否則攻之○按李  
賢曰麓川初叛適王振操柄欲逞其忿楊士奇等議謂  
遠夷不足較且爲耕守計振不從與兵部謀王驥阿振  
意遂與兵驥督東南兵十五萬給餉者倍之窮其巢穴  
而思任發不可得焚寨而還殺無辜十數萬且以爲功  
封靖遠伯以次陞者萬餘未幾寇勢復盛驥再往起兵  
如前東南騷擾軍民疲弊殆不可言復窮其所思任發  
又不可得而還賞功陞秩復倍於前麓川不如中國一

大縣縱得其地與人有何利益而連歲興兵軍需所費與夫陞秩之俸各萬萬不可勝計所得較所失誠不忍言兵連禍結貽害生民人以驥爲功之首其實罪之魁也○翰林侍講劉球疏云臣聞王者之師不騁忿於一快必慮勝於萬全所以無敗事而有成功也今者中外大臣議欲益兵十二萬於雲南邊境以俟麓川殘寇思任發來降乃罷否則攻之臣竊以爲是則徒欲逞忿而非萬全之慮也向者大兵兩蹠寇境皆不得大逞而還者蓋以其地僻遠阻山踰谷道途險塞又有瘴毒之患中土之士被甲持杖負糧荷芻越數千里而至彼疲困不堪飲食不充水土不習疾病荐生又驟與敵遇故未

交鋒而剛猛敢鬪之氣十已消其七八兼以將帥不和  
行師失律所以無功誠非兵少所致也今雖益兵然彼  
險遠如故分道以進則山廣而援不接併力以攻則地  
隘而衆寡容是皆兵法所忌况寇以逸待勞窺測形勢  
得便則出抗王師失利則遁入谿谷豈不坐老我師若  
但宿兵境上以待其降尤爲不可夫兵凶器未宜輕動  
語曰軍旅之後必有凶年謂其愁苦之氣傷陰陽之和  
必致水旱蝗蟲之災其爲患如此况可輕動以嘗之乎  
若暴露十二萬衆於萬里之外以冀小醜之降是輕動  
兵而嘗寇也又兵法有曰千里餽糧士有飢色是言糧  
餉不可不預備也今致雲南之米於金齒每石須費數

石民苦運輸軍多飲食若復益兵則運愈苦而食愈缺  
安保土之無饑色耶故臣謂其徒欲騁忿而非萬全慮  
也春秋之法不治夷狄三王之道不困中國以事外夷  
故漢文棄尉佗寇邊之怨先帝釋黎利叛逆之誅率用  
是道以致中國寧而四夷安其所臣竊以麓川本鳥言  
獸心之夷雖不來歸不足爲國恥何足與較勝負哉雖  
弘天地之心置之度外不爲失也必欲懲之則宜忍一  
決之忿以圖萬全之策選用良將輔以能幹文臣如趙  
充國屯田以降叛羌故事因雲南見操之兵或益以附  
近萬餘分屯沿邊地方厚其糧賞給以農用之物務使  
兵民相安以耕以守仍通好於木邦車里諸夷以爲外

援俟寇出沒卽加勦攘倘其服辜則以禮納或終不悛則三二年後糧積有餘士卒熟其嚮道別議大舉仍詔雲南郡縣及各土官使明知聖意欲暫息兵休民將圖後舉是雖不能速於成功亦必不致敗事伏望皇上憫臣愚昧察臣所言如果無害於事有益於國可便於民則請罷益兵之議行屯田之令仍勅所司選將命官各務得人授用給賞必存至公毋應故事而已

是年建文帝還居京師寺中

建文帝出滇南至廣西一日在某寺呼寺僧謂曰我建文皇帝也寺僧大懼白官府迎至藩堂南面跣足坐地自稱朱允炆曰胡濙名訪張儼偁爲我也衆聞之悚然

聞於朝。乘傳之京師。有司請以王禮見。比至上遣內豎往視。咸不識。建文帝曰。固知爾曹安得及事我耶。吳誠在無衆。以白上。命誠往見。誠亦疑。建文帝曰。不相見。殆四十年。亦應難辨矣。吾語若一事。昔任某年月日。吾御某殿。汝侍膳。吾箸挾一臠。賜汝。汝兩手皆有托持。不能接。吾擲之地。汝伏地以口啣取食之。汝寧忘之耶。誠聞大慟。反命言信也。上命迎入大內。養某寺中。以壽終。葬西山。不封不樹。程濟隨至京。莫知所終云。建文帝嘗賦詩曰。流落西南四十秋。蕭蕭華髮已盈頭。乾坤有恨家何在。江漢無情水自流。長樂宮中雲氣散。朝元閣上雨聲收。新蒲細柳年年綠。野老吞聲哭未休。或曰。帝頂

顧偏頗。高皇知其不終。嘗匣髡緇之具。戒之曰。必嬰大難。乃發此以故。遂爲僧去。又曰。帝性聰敏。能爲詩。高皇命賦新月曰。誰將玉指甲。搗破碧天痕。影落江湖裡。蛟龍不敢吞。曰。必免於難。又嘗賦金陵詩曰。閒日乘輿看晚晴。葱葱佳氣滿金陵。禮樂再興龍虎地。衣冠重整鳳凰城。後至貴州金竺長官司羅永庵。嘗題詩壁間。其一曰。風塵一夕忽南侵。天命潛移四海心。鳳返丹山紅日遠。龍歸滄海碧雲深。紫微有象星還拱。玉漏無聲水自沉。遙想禁城今夜月。六宮猶望翠華臨。其二曰。閱罷楞嚴磬。懶敲笑看贊。屋寄雲標南。來瘴嶺。千層迥。北望天門萬里遙。欸段久忘飛鳳輦。袈裟新換袞龍袍。百官此

賜分贍族姻屬。繼之日。室無百緡。後贈太保。謚忠宣。

以襄城伯李隆提督京營。豐城侯李彬守備南京。○二月行在翰林侍讀學士馬愉侍講。曹鼎並直文淵閣。

先是王振謂楊士奇等曰。朝廷事虧三楊先生。然三公亦高年倦勤矣。其後當如何。士奇曰。老臣當盡瘁報國。死而後已。榮曰。先生休如此說。吾輩衰殘無以效力。行當擇後生可任者。以報聖恩耳。振喜。翌日卽薦曹鼎。由衷陳循。高穀等。遂次第擢用。士奇以榮當日發言之易。榮曰。彼厭吾輩矣。吾輩縱自立。彼豈自己乎。一旦內中出片紙。命某人入閣。則吾輩束手而已。今四人竟是我輩人。當一心協力也。士奇服其言。



夏四月立存積常股鹽法○秋七月少師工部尚書兼謹身殿大學士楊榮展墓還京卒于武林驛

榮總裁四朝實錄經理三帝山陵累從出塞屢受遺旨撫順討逆羈勒萬里運籌設險折獄理財隨機應變靖重不撓濟險解紛調停有術果而能容謀而善斷內行修謹胸度圓融祿厚財豐瞻賑窮阨貴賤賢愚皆歸心焉以展墓還至武林卒贈太師謚文敏○自太祖相傳列聖臨朝每至日昃不遑暇食惟欲達四聰以來天下之言英宗以幼冲卽位三閣老楊榮楊士奇等慮聖體易倦因創權制每日早朝止許言事八件前一日先以副詣閣下豫以各事處分陳上遇奏止依所陳傳旨而

有陰誅天道顯明其可忽乎。其可遠乎。

太監王振繫大理寺少卿瑄于獄。論歟。

瑄爲山東提學僉事。王振問三楊。吾鄉誰可爲大臣者。皆薦瑄。名爲大理右少卿。三楊以用瑄出振意。欲瑄去見振。瑄正色曰。安有受官公朝而拜恩私門乎。振聞憾瑄。會有獄。夫病歿三年。其妾欲嫁其私人王山。山振姪也。妻在。持妾弗得嫁。遂誣妻毒殺夫。下御史獄。坐妻歿瑄辯其冤。三駁臺官諂事振。又曲庇御史。劾瑄受賄棄律出人。久請廷鞫。振喜曰。是固應歿。竟坐瑄。久繫獄。瑄怡然讀易。不輟。得大臣伸救。又家人乞代歿。得免歸田。封元臣朱儒吳澄爲臨川郡公。從祀孔子廟庭。

從楊士奇之議也。孔門之教以倫爲重。國家祀典取其有益於風教者。吳澄忘宋事元。無君臣之倫。而爲風教之玷者也。楊士奇以鄉里之私。敢於欺君罔聖如此。

立皇后錢氏。○瓦剌順寧王脫歡歿。

脫歡之子曰也先。當是時。脫脫不花弱。而也先強盛也。先又以其子。妻脫脫不花。數年間。挾脫脫不花遣人並入貢馬。得賜金帛無算。使人皆館京師。逾春始遣還。遂桀驁不恭。時時殺掠道路。我往來通事人。變詐出好語。告以中國虛實也。先因與通事人言。吾有子。請婚南朝公主。通事人謾曰。爲若奏皇帝。皇帝許爾矣也。先大喜。誇諸酋曰。吾且進聘禮。

名右都御史陳鑑還掌院事命左都御史王文巡撫陝西  
○五月陞王翔爲副都御史仍撫遼東提督軍務○畿內  
旱蝗○六月甲申朔日有食之○太監王振殺翰林侍講  
劉球

張太后崩太監王振遂無忌憚作大第于皇城又作智  
化寺于居東以祝釐自撰碑始弄威福是年雷震奉天  
殿鴟吻翰林侍講劉球上言十事一曰勤聖學以正心  
德自古聖哲之君動與天合而雨暘寒暑無不時若以  
能專志問學於一切無益之事悉屏不御所以私欲盡  
去天理昭著心得其正而天不遠中庸所謂致中和天  
地位焉萬物育焉是也巨願皇上以古聖哲之心爲心

視朝之暇御經筵之日多居宮苑之時少所謂無益之事悉置意外惟數進儒臣講求至理篤盡精一之功推極修齊治平之道使學問功至理欲判然則聖心正而天心無不順矣二曰親政務以總權綱夫政自已出則權不下移故太祖太宗每早朝罷及晚午二朝必進大臣於左順門或便殿親與裁決庶政或事有疑則召當務之臣商確之而自折其衷所以權歸於上皇上臨御九年事體日熟願守二聖之成規復親決之故事庶幾權綱有歸而政惟一矣三曰別賢否以親正士諸葛孔明曰親賢臣遠小人此先漢所以興隆也故願治之君無不樂有正人君子爲之親信以贊其治而益其明今

內外之臣不能無賢不肖惟皇上察之於已詢之於人  
賢而親之不肖卽遠之則君子日進小人日退矣四曰  
選禮臣以隆祀典今之太常卽古之秩宗必得寅清端  
重明習禮典儒臣爲之然後可交於神明故舜命伯夷  
伯夷猶讓於夔龍誠以是職不易稱也今太常卿與少  
卿久缺未選無乃享祀之禮有乖宜選儒臣爲之庶祀  
典克修五曰嚴考覈以督吏治自三代以下省方之禮  
廢而郡縣之吏不敢肆田野之民得其安者以數遣繡  
衣採訪等使巡行郡縣以察吏得失問民疾苦也洪武  
永樂間亦嘗行之近年多付此任於布按二司及巡按  
御史其所考察徒文具爾以故吏無善政民多失業至

於軍衛之臣爲害尤酷誠互選擇公明廉幹廷臣分行天下自三司郡守而下無分文武官吏俱得考察其果奸墨無狀其實黜退若有廉能仁恕治行過人亦乞旌異庶人有勸懲而吏治修舉六曰慎刑罰以彰憲典古者人君不親刑獄而悉付之理官所謂予曰辟爾惟不辟予曰宥爾惟不宥惟厥中蓋恐徇喜怒有所輕重於其間以致刑失其中也近者法司所上獄狀有奉勅者減重爲輕加輕爲重者法司不敢執奏至於訊囚之際又多有所觀望以求希合聖意是以不能無枉臣竊以爲一切刑獄空從法司所擬說有不當調問得情則罪其原問之官其運磚納米贖罪則又非古法且使貪者

倖免而廉者蒙辜。宜令法司。今後文武之臣。除犯公罪。許贖罪其餘依律問擬。則刑罰中而憲典彰矣。七日罷營作。以蘇人勞。夫土木之工不息。則天地之和有乖。故春秋於勞築之事。悉書以示戒爲此也。今京師營作之興。已五六年。雖不煩民而皆役軍。然軍亦國家赤子。賴之禦暴而赴闕。豈宜獨役而不加恤。況各衙門皆已更新。宜罷其工。庶人力得蘇。八曰寬逋賦。以憫民窮。周禮荒政十二。薄征其一也。近者各處報水旱荒災。乞減租稅。而有司准減。亦徒事虛文。民不得受實惠。以致窮困流徙者。日益多。宜令戶部。遇有報荒。卽與勘實。量減其租。仍思所以安養流民。使不失業。庶民窮有濟。九曰息



兵威以重民命。夫兵凶器動必傷人不可輕舉。漢高帝以武定天下。非不善兵。然被匈奴白登之挫。終不報怨。以兵興必傷人也。如麓川連歲用兵。死者十七八。軍費爵賞不可勝計。今瘡痍未瘳。又遣定西侯蔣貴總之。以事緬甸。受其所拘首寇思任發。借彼言果信。縛冠以歸。不過獻諸廷礫。諸市梟諸通道而已。然彼挾以爲功。必求與木邦分有麓川之地。不與則致怨與之則兩夷土地人民各增其半。其勢坐大。將不可制。是減一麓川生二麓川也。設有疎虞。則兵爭無已。死者必多。臣見皇上每錄歿因多憫之。而免令充軍。仁心若此。軍足與天地好生之心合矣。今欲生得一失地之窟。寇而驅十餘萬。

無罪之人以就死地豈不乖好生之仁哉况寇子思機發在麓川已嘗遣人來貢有悔過新免之意若勅靖遠伯王驥遣人往諭緬甸不煩動衆生致此寇只斬寇首來獻即與厚賞仍令思機發盡削四面之地與各寨新附之夷掌之許以小職仍居麓川則兵不戢而此方可自安思堂以爲日召還蔣貴并止四川湖廣貴州之兵用今億萬生靈之命十曰修武備以防外患大易有曰思患而預防之蓋能防患於前斯可無患於後今北虜比年入貢然遣來之人歲增無減其包藏禍心誠所難察一旦率彼烏合之衆長驅入寇爲患已深不可不預防之莫若於閒暇之時數遣給事中御史於在京及沿

邊閱督操備預使借工各廠及服役私家軍上悉就訓練仍公武舉之令以求良將定召募之法以來武勇廣屯田之規收中鹽之利以厚儲蓄庶武備無缺而外患有防凡此十者皆今日之急務所以昭格上天致太平之慶者伏惟聖明裁之王振怒球言總權綱爲詆已也欲置球死地不得會翰林修撰董璘乞爲太常卿事神下詔獄而球疏中第四事偶言太常官必得儒臣馬順附振喜曰此可并殺球矣遂酷考璘誣服球爲畫此疏者矯旨逮球當朝捽球去球不知何坐大呼死訴太祖太宗縛球至暗獄中斧鎖暴下支解其體備極慘毒球魂附馬順子數順之罪順不自安命緇流誦經度之由

是廷臣微譴。卽見斥。謫兵部尚書徐燾。工部侍郎王佐。儉邪小人。首開趨附之路。百計劾極。盡諂媚之態。王佑貌美無鬚。媚事王振。振甚眷之一日。問佑曰。王侍郎爾何無鬚。佑對翁父無鬚。兒子豈敢有鬚。閭巷聞之。傳笑。竊宣言於衆。吾輩不進見致禮者。必且得禍。衆聞之。皆具金銀進見。初惟府部院寺大臣。後百執事。及在外郡邑庶職。無不進。有輒致千餘金者。遂以爲常矣。一夕召兵科給事中蔣性中。至一處有門南向。甚宏麗。蔣自東橫行詣門。遙見都御史陳鑑。王文跪門外。俛首向北。性中以爲上在。步稍後。微聞二人連諾而起。急趨而東。將遇而問曰。上在耶。二人曰。王太監也。將旣見。乃是索

遼東地圖言畢。蔣遽趨出。是圖乃太宗朝所畫。久藏兵  
科。後來圖籍厝壓其上甚多。尋之數日方得。送上。不知  
其何用也。後有曰李御史者。因見振不跪。坐事送錦衣  
衛獄。捶之幾死。取圖欲發極邊充軍。振之作威如此。

秋七月。大監王振枷國子監祭酒李時勉于監門。尋釋之。  
時勉爲國子祭酒。倣胡安定教條。隨其器而造就之。諸  
生勃然興起。人才遂盛於一時。其待諸生恩義兼盡。有  
病者委醫調治。歿者助其棺衾。爲文以祭之。王振怒其  
持儒禮。搆以罪。枷于監門。諸生不忍。願代者甚衆。獲免。  
未幾乞歸。士林高之。亦可謂明哲保身矣。

八月。致仕太子賓客國子祭酒兼翰林侍講胡儼卒。○九

月倭寇浙東按察僉事陶成整飭海道率兵平之○冬十月徙封鄭靖王於懷慶○十一月壬子朔日有食之○故后靜慈僊師胡氏卒

甲子九年春正月新建太學成帝視學謁先師○三月少師兵部尚書兼華蓋殿大學士楊士奇卒

士奇晚年昵愛其子莫知其惡最爲敗德若藩臬郡邑或出巡者見其暴橫以實來告士奇反疑之必與子書曰某人說汝如此果然卽改之子稷於是得書反毀其人曰某人在此如此行事勇以鄉里故撓其所行以此誣之士奇自後不信言子之惡者有阿毀譽子之善者卽以爲實然而喜之由是子之惡不復聞矣及被害者

連奏其不善狀。朝廷猶不忍加之罪。付其狀于士奇。乃曰。左右之人非良。助之爲不善也。已而有奏其人命數十惡不可言。朝廷不得已。付之有司。時士奇老病不能起。朝廷猶慰安之。恐致憂。至是士奇卒。乃論其子于法斬之。鄉人預爲祭文。數其惡。天下傳誦。文貞爲本朝相。臣巨擘。列于宋之公卿。終有愧焉。昔王文正以張師德兩造其門。惡其奔競。終身不用。文貞必以造門者舉之。甚至人舉所知。自以爲不知而沮之。宜恬退自守者。不出其門也。文彥博以唐介攻已被謫。再三申救。後卒舉用。文貞以攻已者爲輕薄生事。必欲黜之。禁錮終身也。與二公所行。何相遠哉。

夏四月以翰林學士陳循直文淵閣○大旱遣官禱雨于岳鎮海瀆○五月命刑部右侍郎楊寧叅贊雲南軍務○秋七月兀良哈三衛寇邊命成國公朱勇與安伯徐亨都督馬諒陳懷分道出塞擊敗之○加朱勇太保進徐亨伯爵爲侯封馬諒爲招遠伯陳懷爲平鄉伯○閏七月勅天下修葺應祀壇廟○冬十月丙午朔日有食之

乙丑十年春三月賜進士商輅等一百三十人及第出身有差○夏四月朔日有食之○冬十月進內閣曹鼐吏部左侍郎陳循戶部右侍郎馬愉禮部右侍郎以苗衷爲兵部右侍郎兼侍講學士高穀爲工部右侍郎兼侍讀學士並直文淵閣○以錢習禮爲禮部右侍郎○十二月命刑



部右侍郎薛希璉巡撫保定等十二郡

丙寅十一年春正月始於各省皆以內臣鎮守

洪武中。內官僅能識字。不知義理。永樂中。始令吏部聽選教官入內閣教書。正統初。王振於內府開設書堂。選翰林檢討正字等官入教。內官始多聰慧。知文義者。自王振竊弄威權。干預外政。於是各省鎮守。并督管掌兵及經理內外倉場。與提督營造珠池銀礦。市舶織染等事。無處無之。永樂年間。差內官到五府六部稟事。內官俱離府部官一丈。作揖路過。公侯駙馬伯下馬傍立。自後呼喚府部。如呼所屬公侯駙馬伯。路遇內官。反迴避之矣。

三月河南山西巡撫侍郎于謙降大理寺左少卿尋復巡撫

于謙在梁晉間年久上章舉叅政孫原貞王來以自代時太監王振用事于謙素無餽奉振遂嗾言官劾其擅舉自代降大理寺左少卿罷巡撫河南山西之民間之赴闕乞留復命巡撫

夏四月朔日有食之○倭寇浙西○秋七月少師禮部尚書兼武英殿大學士楊溥卒

先是太皇太后張氏聽政三楊士奇榮溥居輔弼凡朝廷大事皆自閣下處分數年間政治清明爲本朝之極盛王振每承命至文淵閣三公與之言振必立受自張

太后崩楊榮繼卒。士奇以子稷堅臥不出。溥惟一人當事。亦年老勢孤。繼登庸者皆不能自樹。于是內閣之柄悉爲王振所攘。生殺予奪盡在其手矣。三楊士奇爲西楊榮爲東楊溥爲南楊。是年溥卒。贈太師。謚文定。

八月作畧影堂。○吏部尚書王直侍郎趙新曹義掌光祿寺事。戶部侍郎奈亨下獄。禮部侍郎錢習禮署吏部事。○九月以鄺埜爲兵部尚書。○冬十月閱武近郊。○十一月命京營總兵襄城伯李隆帥師巡邊。○十二月召楊寧還。命禮部侍郎侯璉叅贊雲南軍務。

丁卯十二年春二月國子監祭酒李時勉致仕。以蕭鎡爲國子祭酒。○河南山西巡撫于謙丁父憂。尋命起復。以爲

左侍郎協理部事○以都督僉事石亨爲左叅將守  
舊全

亨中父嚴寬河衛指揮僉事無子亨嗣之善騎射有膽  
略提大刀輪舞如飛每從征挺刃當先輒立奇功累陞  
都指揮使姪彪亦驍勇能挽強弓善揮斧以官舍從亨  
有功授大同衛鎮撫是年亨陞都督僉事爲大同左叅  
將守萬全彪亦陞指揮使從亨叅謀

夏五月陞王恕右都御史仍提督遼東軍務○六月禮部  
右侍郎錢習禮致仕○秋七月河決張秋潰沙灣入海尋  
決榮澤入淮命工部尚書石璞治之○八月朔日有食之  
○九月內閣馬愉卒○冬十月浙江處州賊葉宗留反命

僉都御史張楷討之。○太監王振逮霸州知州張需下獄。  
謫戍。

霸州民多游食。需教之種粟麥桑棗。令紡績畜鷄豚。民  
皆勤力。不一年。生理日滋。畿內蝗作。捕之有法。吏部侍  
郎魏驥巡視至其地。異之。以其法下諸州縣。人皆便之。  
有牧馬者。生事擾民。需笞之。其領牧者。譖於王振。遂捕  
需下獄。笞箠幾死。謫戍邊城。

南京右都御史周銓及十三道御史並下獄。

銓先督南京糧儲。時諸御史嘗劾其貪暴。深憾之。及掌  
院事。置功過簿。督責諸御史。詰且而言曰。晏不輟。御史  
范霖楊永等不能堪。乃合疏言銓不法事。詔徵銓詣獄。

銓亦計奏詣御史俱逮至未白而銓忿得心疾歿於是  
諸御史或降或謫而霖永以首建議獨得重罪永亦忿  
歿獄中獄以恤刑得減歿出獄數日亦卒

戊辰十三年春二月朔日有食之○三月賜進士彭時等  
一百五十人及第出身有差

彭時上表謝恩之夕坐以俟旦隱几不寤竟失朝糾儀  
御史奏令錦衣衛挈禮書胡濙出班奏狀元彭時不到  
合着錦衣衛尋上是之

夏四月福建寧化賊鄧茂七反遣總兵劉聚副總兵陳榮  
帥師僉都御史張楷監軍事討之

鄧茂七建昌人初名鄧雲豪俠爲衆所推因殺人官捕

之迹入福建寧化縣陳正景家改名茂七。聚衆集會。願指殺人。縣官捕之。遂拒捕。率黨劫上杭。攻汀州。據杉關。攻光澤縣。大掠順流而下。攻邵武府。掠其庫藏。數日至順昌縣。時福建參政宋彰交趾人。與中官多故。舊侵漁以萬計。餽送王振。遂陞左布政使。抵任。計營所費。驗戶歛之。貧乏不堪者。苦爲所迫。於是尤溪壚主蔣福成。聚集居民。劫取聚落。旬日至數萬人。遂襲尤溪。據縣治。與茂七聲援。相聞進。劫沙縣。將攻延平。巡按福建御史汪澄至延平。聞賊勢已熾。卽回會省。刷卷御史張海在延平。被圍海躬撫諭之。賊還。海以狀聞。朝命御史丁宣按賊事。宣發牌招茂七。茂七笑曰。吾從尤溪取延平。據建

寧。二關之入。傳檄以下八閩。誰敢窺焉。遂殺齋牌使者。據王臺立總甲里長。殺張都司。其勢益熾。

命侍郎薛希璉巡撫福建提督軍務。○六月命侍郎楊寧巡撫江西。○秋七月以都督徐恭爲總兵官。工部尚書石璞提督軍務。討浙江賊葉宗留。○八月以魏驥爲南京吏部尚書。王英爲南京禮部尚書。○九月命侍郎孫原貞鎮守浙江。都御史軒輅爲巡撫。○冬十月雲南思機發叛。以靖遠伯王驥總督軍務。都督宮聚爲總兵官。張凱田禮爲副總兵。帥師討之。

時麓川思任發餘孽思機發復據孟養叛。仍命驥督軍務。宮聚總兵。張田禮副之。調漢夷兵十三萬以行。十月



抵金沙江賊堅柵西岸以拒驛作浮梁渡兵攻破之乘勝進至孟養賊斂衆據鬼哭山及芒崖山等寨皆攻拔之思機發遁莫知所在大軍踰孟養至孟那等處而還詔增驛祿百石。

封都督楊洪爲昌平伯克總兵官鎮守宣府

洪以漢中百戶調開平累功陞都指揮尋以都督守獨石敗虜於宣府大石門寶昌州斬首功二百封昌平伯充總兵官鎮守宣府虜畏之呼爲楊王

十一月兵部侍郎于謙丁母憂仍命起復理部事○福建賊鄧茂七遣別將陳敬德吳都總等由德化永春安溪寇泉州知府熊尚初逆戰于五陵坡兵敗被執不屈久之○

副統兵陳榮進兵攻鄧茂七戰敗歿之○命御史朱英  
中官分守閩浙要地

朝廷慮葉宗留與閩叛令命御史朱英與中官分守閩  
浙要地英核論脇從示以禍福降者甚衆以計生致賊  
首周明松等數人械于慶元謀報賊衆三萬來劫明松  
等中官大懼欲走英不可郎誅明松等尸于市賊聞之  
遁去

己巳十四年春正月朔頒己巳大統曆于百官

岳正論曰己巳大統曆書二至之晷有晝夜六十一刻  
之文予怪其故退而求古諸家曆法無有也夫天行最  
健日次之月又次之以月會日以日會天天運常舒日

月常縮。曆家以其舒者縮者之中氣置閏以定分至。然後以三百六十五日四分日之一之日乘除之。積三歲而得三十二日五十九刻者。其法常活。以三百六十五度四分度之一天分南北二極。日行中道。冬至行極南至牽牛。得四十刻。爲日短。夏至行極北。至東井。爲日長。春秋分。則行南北中。東至角。西至婁。爲晝夜均。古以曆名家者。必以其變者立差法以權衡之。則變者常通而差者得其所矣。有如今曆也者。毋乃不揣其本而齊其末與。夫曆者聖政之所先。本也。苟以私智揆之。能無搖其本乎。後果有土木之變。

以寧陽侯陳懋爲征夷將軍。保定侯梁瑤。平江伯陳豫爲

副總兵。刑部尚書金濂。叅贊軍務。太監曹吉祥監督軍務。帥師討鄧茂七。○鄧茂七寇建寧。掌府事叅政張瑛戰敗。歿之。○二月。鄧茂七復攻延平。總兵劉聚禦之。茂七中流矢歿。張楷還兵。仍討浙賊。金濂陳懋留鎮福建。逮巡按御史柴文顯。汪澄下獄誅之。

福建鄧茂七反。凡三司官之親臨。皆得貸死。惟前後巡按御史柴文顯。汪澄二人。俱被極刑。蓋因王振當權所惡者。御史之官。故盡殺之。斯豈法之正乎。

虜也。先寇大同。

也。先遣使二千餘人進馬。報作三千人。王振怒其詐也。減去馬價。虜使回報。遂寇大同。

貴州苗反。總督軍務兵部侍郎侯璉副總兵都督方瑛率兵討之。

彭韶曰。先是麓川之役。朝議皆以爲不可。獨王振與王驥主之。盡調雲南貴州兵以行。連兵十年。陞秩萬數。而夷酋終遁。將士多歿。大軍未班。列衛空虛。苗獠乘間竊發。攻圍城堡。於是貴州東路閉矣。驥與都督宮聚張軌等。先後擁歸師。所至人遮泣。陳苗獠之害。皆曰。吾征麓寇。不受命殺苗也。去之苗前。截後殖。我軍無復紀律。歿亡數萬。軌等僅以身免。諸城被圍。歲餘乃解。饑歿者大半。而東南因之騷動。驥輩不得辭其責矣。惜哉。昔唐天寶之盛。而有事雲南。今我正統之盛。亦以麓寇爲意。世

道升降之機。毋乃有數存焉。吾於是不能無感。

周忱陞戶部尚書。仍巡撫。○三月。以監察御史韓雍爲僉都御史。巡撫江西。

雍先巡按江西。有聲吏民。奏留再巡一年。回京。遂有是擢。時年纔二十八。

夏四月。平閩將軍靖遠伯王驥擒苗重富。檻送京師。伏誅。尋召驥還。○五月。以侍讀學士張益直文淵閣。○湖廣苗反。以保定伯梁瑋爲平蠻將軍。右都御史王來總督軍務。率兵計之。○總兵徐恭進兵攻葉宗留敗績。三司官沈璘耿定王晟皆歿。○六月丙辰。南京謹身華蓋奉天三殿災。○致仕大學士黃淮卒。○張楷招撫浙賊班師。

時都督徐恭尚書石璞屯師日久賊深入險阻乘間條出徐恭戰既敗績莫能爲計按察僉事陶成請招諭之乃從僕隸四五人徑抵賊巢諭以禍福言辭懇惻宗留等環聽竦動遂率其黨出降惟陶得三殺使者引餘黨遁入山中張楷仍招降之楷遂班師

秋七月熒惑入南斗

時侍講徐瑄頗知天文私語其友劉溥以不祥久之不遑舍曰禍不遠矣遂命其妻挈南歸

也先大舉入寇太監王振強帝親征遂北狩

是年春也先遣二千人詐稱三千人貢馬曰此聘禮也朝廷莫之知答詔無許端意王振怒也先詐報人數減

其賞賜并所酬馬價也。先媿忿。秋七月八日。大興入寇。塞外城堡所至陷沒。邊報日至。乃遣駙馬都尉井源等四將各率兵萬人出禦之。源等既行。太監王振勸上親征。命太師英國公張輔。太師成國公朱勇率師以從。戶部尚書王佐。兵部尚書鄒瑩。學士曹鼎。張益等扈行。吏部尚書王直及大小群臣伏闕懇留不允。十七日。命太監金瑛輔鄒王居守。每日於闕左門西面受群臣謁見。遂偕王振及官軍五十餘萬人至龍虎臺扎營。方一鼓卽虜驚衆以爲不祥。明日日出居庸關。鄒瑩請回鑾。王振矯旨令與王佐隨老營至懷安。瑩墜馬幾殆。及雲中。王佐竟日跪伏草中請還。欽天監正彭德清斥振曰。象緯



示警不可復前。若有疎虞。陷乘輿于草莽。誰執其咎。學士曹鼎曰。臣子固不足惜。主上係天下安危。豈可輕進。振怒曰。倘有此。亦天命也。於是井源等報敗踵至。會暮復有黑雲如繖罩營。雷雨大作。王振惡之。頃之。又聞前軍西寧侯朱瑛武進伯朱冕全軍覆沒。鎮守大同中官郭敬乃密言於振。其勢決不可行。振始有回意。大同總兵郭登告學士曹鼎等車駕入。宐從紫荆關。庶保無虞。王振不聽。還至狼山。虜追且及。遣朱勇等率三萬騎禦之。勇無謀。進軍鷓兒嶺。虜於山兩翼邀阻夾攻。殺之殆盡。是日駕至土木。日尚未晡。去懷來城僅二十里。衆欲入保懷來。以王振輜重千餘輛未至。留待之。鄜墊再上。

章請車駕疾驅入關而嚴兵爲殿不報。又詣行殿力請振怒曰。腐儒安知兵事。再妄言必死。桡曰。我爲社稷生靈。何得以死惧我。振愈怒。叱左右扶出。遂駐土木有無水泉。又當虜衝。次日欲行。虜已逼不敢動。是爲八月十四也。人馬不飲水已二日。飢渴之極。時楊洪總兵在宣府。或勸洪急以兵衝虜圍。駕可突出。竟閉城不出。十五日虜遣使持書來。以求和爲言。遂召曹鼎章勅與和。遣二通事與虜使偕去。振急傳令移營踰塹而行。廻旋之間。行伍已亂。爭先奔逸。勢莫能止。虜騎蹂陣而入。奮長刀以斫我軍。大呼解甲投刃者不殺。衆裸袒皆蹈藉。死者蔽野塞川。宦待虎賁矢被體如蠅。上與親兵突圍不

得出虜擁以去。百官沒者。英國公張輔。尚書王佐。鄺埜。學士曹鼎。張益而下數百人。其幸免者。蓬頭赤身。踰山墜谷。連日飢渴。得達關上。虜舉我輜重。惟取金銀珠寶。貴細者。太監喜寧。本胡種也。遂降于也先。盡以中國虛實告之。十六日。上在虜營。惟校尉袁彬。隨侍答應。着彬寫書差人回京。奏討珍珠蟒龍段。金銀等物。以賞也先。着人隨至宣府城下。不敢開門。縋而登。復遣人送至京。以其夜二鼓。從西長安門入報。十七日。百官闕下頗聞敗報。私相告語。愁嘆驚懼。出紫陌。見軍士奔歸。瘡殘被體。血污狼藉。然尚未知上所在也。是日。皇太后遂遣使齎黃金珠玉。袞龍段疋等。馳以八馬詣也先。營請還車。

駕不報。○上之蒙塵也。王振滔天之罪也。鄭楚職司戎政。曹鼎平章宥密。不能力沮。歿諍於朝。徒自捐軀草野。豈所謂以歿勤事者耶。

八月己巳。太后命郕王權總國事。○癸酉。立皇長子見深爲皇太子。

八月十八日。皇太后勅諭皇帝。率六軍親征。已命郕王臨百官。然國家庶務。不可久曠。今特勅郕王暫總其事。爾各衙門大小事務。其悉啟郕王聽令。毋致怠違。衆疑行且卽真。數日內外洶洶。不自保。皇太后乃復詔天下曰。邇因虜寇犯邊。毒害生靈。皇帝恐禍延宗社。不得已躬率六師。往正其罪。以安國家。不意被留虜庭。尚念神

民不可無主。茲於皇庶子三人之中。選其賢而長者。見  
深立爲皇太子。正位東宮。仍命郕王爲輔。代總國政。撫  
安天下。嗚呼。國家必有君。而社稷爲之安。君必有儲。而  
臣民有所仰。布告天下。咸使聞之。○是詔也。國儲已定。  
神民已有主矣。詔命郕王爲輔而已。當時文武群臣。惟  
與郕王同心同力。夾輔圖維。爲討虜迎駕之計可也。乃  
不逾月。遂違詔命。勸進於郕王。而廢皇太子爲沂王。何  
其忘君父之難。而急於富貴之圖如此也。

廷誅錦衣衛指揮馬順。籍王振家。滅其族。

八月二十三日。郕王臨午門左門。言官大臣。次第宣讀。  
彈劾王振啟章。言振傾危宗社。今在虜中。爲虜所用。罪

當滅族。邠王諭以自有處置。衆心懾息。號不已。邠府長史崔成銘造膝免冠言之。衆皆免冠長號。已而令崔振等之馬順。猶回護之。當闕揚言。衆怒曰。此正好臣黨也。給事中王竑。摔順頭請誅。邠王起入內。使闔門。衆爭毆順。蹴踏。搯裂。頃刻而斃。或就脫順鞵。擊出眼血。流閣門前。時上直官軍候左掖門。譁云。尚有王長隨。毛長隨二人。少頃校尉摔出。亦擊殺之。曳三屍陳於東安門。蓋王毛二人本王振黨。適嚴門禁。日事鞭笞。官軍怨之。故及都御史陳鑑奉令旨籍振宅。宅在宮城內外。凡數處。重堂邃室。擬于宸居。器服綺麗。尚方不逮。玉盤徑尺者十面。珊瑚樹高六七尺。金銀十餘庫。馬數萬疋。執振

姪錦衣衛指揮王山鬱于市。其族屬無少長皆斬。山弟林亦爲錦衣衛指揮。從駕死于虜。林尤凶悍。姬妾百數并藉振黨彭得清內使陳宦等家。○言官職司諫諍。于謙協掌兵戎。方六師將出之時。畏振威燄。無能力沮。忤諍。今事敗勢阻。而後彈劾。雖罪惡不容不正然於大事已無及矣。

逮宣府總兵楊洪萬全左參將石亨繫錦衣獄。○太后以于謙爲兵部尚書。謙以本部陞用○帝出塞。

聖駕十七日夜渡宣府河。袁彬控馬渡訖也。先謀爲布囊欲盛朝廷。使群騎蹂躪。忽一雷擊。灰也。先所乘馬其謀乃沮。又夜令人行刺。刺者見一大蟒蛇。遶護御帳外。

良怖而去。群胡皆曰：大元之仇，今天以賜我，不如殺之。  
伯顏帖木兒呼也，先曰：那顏猶華言大人也只欲留萬世美名。  
大明天子，雲端裡坐，不知上天何故推下之。萬眾以傷  
之中，鏃矢不沾，寸兵不染。吾知天意之有在也。且我等  
嘗受其賜，九龍蟒龍猶在，安得害之？當報中國，遣使來  
迎還之一旦，復坐寶位之上，豈不有萬世美名乎？眾皆  
曰者，胡語云者，然辭也。於是也，先赴帳房，叩頭致敬。奉  
帝至大同城下，索金幣，約以賄至，即歸聖駕。郭登守大  
同，閉門不納。上傳旨曰：朕與登有姻連，何外朕若此？登  
遣人傳奏曰：臣奉朝廷命守城，不敢擅啟，閉竟不出。校  
尉袁彬隨侍以頭觸門，大叫：於是廣寧伯劉安給事中



孫祥知府霍宣同出見獻蟒龍袍帝以賜伯顏帖木兒  
及也先弟大通漢王帝曰秋稼未收軍士久飢可令割  
以入城又曰虜欲歸我情偽難測且嚴爲備安獻酒帝  
酢酒飲訖虜令括城中犒軍物并內官郭敬等金銀共  
萬餘兩來迎駕既獻虜不應二十三日遂去過猫兒庄  
九十海子見蘇武廟李陵碑二十八日至黑松林也先  
營在焉上入營坐也先拜稽首乃侍坐宰馬設宴出其  
妻妾四人以次奉帝酒歌舞以爲娛遂奉帝居于伯顏  
帖木兒營去也先營十餘里伯顏帖木兒與妻見帝亦  
如也先禮帝在營聖敬無斂虜以女入侍不受虜服不  
敢少失臣禮會大雪乘輿所止穹廬雪不凝虜異之從

覘天容穆然。危坐亦無寒色。咸極駭嘆。効順益篤。伯顏帖木兒。每二日獻羊。七日獻牛。也先。每七日獻馬。二人每出獵。則又以所獲野馬。黃牛之數來獻。

廣賊黃蕭養反。攻廣州副總兵王清。戰歿。

黃蕭養南海沖鶴堡人。貌甚陋。眇一目。而有智數。坐強盜在郡獄中。踰年。所臥竹牀皮忽青。漸生竹葉。同禁江西一商人謂曰。此祥瑞也。因教以不軌。使人藏利斧飯桶中。破肘鐐。越獄出。几十九人。其黨艤舟以待。遁入海中。嘯聚群盜。旬日間。至萬餘人。遂攻圍郡城。官軍禦之。輒爲所敗。乃制雲梯。呂公車。衝城幾破。王清自高州引兵赴援。至沙角尾。舟膠淺水。有小艇載柴及鹽魚者。奔

遘若避賊狀官軍問蕭養所在言未脫口伏兵出柴中擒王清盡殲其軍賊擁清至城下使諭衆開降清罵賊遇害而死蕭養遂僭稱東陽王據五羊驛爲行官授僞官者百餘人

以金濂爲戶部尚書○九月帝在迤北○癸未邸王卽皇帝位遙尊帝爲太上皇帝

時邸王輔國政于謙典戎政未嘗一語籌畫爲討虜迎駕之圖惟卽眞之議日急乃爲皇太后旨以太監金英口傳之謂皇太子幼冲未能遽理萬機邸王年長宜嗣大統又爲英宗旨謂有使自虜庭還口傳之曰宗社之禮不可久曠邸王長且賢其令繼統奉宗祀於是于謙

等率衆勸進有司擇日行禮遂以九月六日郕王卽皇帝位改明年元爲景泰遙上英宗尊號曰太上皇帝進內閣陳循戶部尚書高穀工部尚書以侍講商輅修撰彭時入直文淵閣○以郕府左長史儀銘爲禮部左侍郎右長史楊翥爲兵部右侍郎審理正俞綱爲太僕寺卿審理副俞儼爲僉都御史○出楊洪石亨于獄中總京營兵○以兵部郎中羅通守居庸關給事中孫祥守紫荆關並授僉都御史○起薛瑄爲大理寺丞分守北門○冬十月上皇在迤北○也先遣使來議和不許遂寇大同破紫荆關都御史孫祥走死

是月遣都指揮李鐸指揮岳謙至虜營起居上皇也先

亦遣使來議和還車駕廷議遣使約和奉迎上皇時王文厲聲曰孰謂虜可和彼不索金幣且索土地憂方大耳衆相顧不敢言于謙知景帝意不欲議和迎駕徐曰防變方略我與總戎責也俄而旅還惟賜也先金銀絲幣使去數日喜寧教也先犯京師可以挾索寶貨又給上皇欲送還京虜遂奉駕入塞七日至大同九日至廣昌破紫荊關殺指揮韓清等都御史孫祥走歿也先犯京師焚長陵醴景陵殿寢祭器遂大剽掠于謙石亨孫鐔等禦却之

虜近京赦交趾敗績論成山侯王通爲都督陞鴻臚寺卿楊善爲副都御史協守京城太監興安問王通計

將何如。通以挑築京師外城濠爲對。興安鄙之侍講徐  
珵方有時名。亦銳意功業。太監金英召珵問計。珵泣曰。  
驗之星象。稽之曆數。天命已去。請幸南京。英拂然不悅。  
宣言於衆曰。死則君臣同一處。死耳。有以遷都爲言者。  
上命必誅之。于謙亦上疏請斬議遷都之人。衆心稍定。  
也先奉上皇居土城廟。虜騎掠西北關外。于謙石亨分  
營城北。都督孫鏜營城西。刑部侍郎江淵參軍事。尚寶  
司丞夏瑄陳策。請召邊兵入捍京城。內外夾攻。乃召宣  
府遼東各邊精兵赴援。虜連日攻城石亨等兵與戰。殺  
傷相當也。先遣使索大臣王直。胡濙于謙出迎。駕衆莫  
敢出。乃以通政叅議王復爲禮部侍郎。中書舍人趙榮

爲鴻臚寺卿。出朝上皇於土城廟也。先伯顏帖木兒環  
甲持弓矢侍上皇。復等見上皇進書勅。上皇視漢字書。  
虜視番字勅也。先曰爾皆小官。急令王直胡濙于謙石  
亨楊善來。上皇諭復榮曰。彼無善意。汝等宜急去。二人  
辭歸。虜益四面剽掠。焚三陵殿寢祭器。逼宣武門。南逾  
蘆溝橋。散掠下邑。于謙督軍出德勝門與戰。發大砲擊  
虜。死者無數。石亨遂統兵出安定門。挺刃單馬進殺數  
十人。石彪持斧率兵從之。諸軍懽呼踴躍。聲振天地。虜  
却而西。亨追戰城西。虜復却而南。亨會彪率精兵千人。  
誘虜南至彰義門。虜見彪兵少。逼之。亨率衆乘之。虜大  
潰。南奔。復追至清風店。又大捷。都督孫鏗禦虜西城外。

失利諸將不相援

叩

鎧急門求入時給事中程信監軍

西城急疏言鎧小失利

叩

卽開門納鎧虜益振人心益危

宜趣鎧戰必効死力上立詔勿納鎧虜逼城鎧兵亦附

城戰信與都督王通都御史楊善城上鼓譟鎗礮佐鎧

虜退鎧與楊洪范廣逐虜至固安又大捷程信遂請勅

石亨于謙移營關廟外禦虜陳循又請下榜數道諭回

達番漢能擒斬也先來獻者賞萬金封國公也先疑懼

而邊兵入援亦稍至是月旣望也先出居庸關伯顏帖

木兒奉上皇出紫荆楊洪石彪仍帥兵擊零虜未去者

陳循請留邊兵守京師給事中葉盛上言今日之事邊

關爲急往者獨石馬營不棄則六師何以陷土木紫荆



白羊不破則虜騎何以薄都城邊關不固縱守京師不過保九門耳如陵寢郊壇社稷田里生靈何急宜固守宣府居庸爲便

命副都御史沈固鎮守大同尚書石璞鎮守宣府僉都御史王竑鎮守居庸副都御史羅通鎮守山西副都御史朱鑑鎮守鴈門都督王通守天壽山平江侯陳豫守臨清副都御史鄒來學提督京城東軍務

羅通先守居庸禦虜有功召入參贊軍務理院事上疏乞勅石亨楊洪各率精銳馬步官軍亨自紫荆出大同洪自居庸出宣府沿途巡哨提督軍務堵塞關口修理牆柵勦除賊寇防護耕種又言邊軍妄報首功虛張虜

勢德勝之戰。近在都城。斬虜幾何。乃陞六萬六千有餘。又言腰玉珥貂者。皆苟全性命。忌能憎言。于謙不喜。亦上言德勝當先。一萬九千八百八十人陞一級。陣亡三千一百一十八人陞二級。餘皆給賞而已。且乞罷兵柄。五府部院翰林科道議乞留謙。亦言通志在滅賊。爲國計無他謙等空同心協力。勿互猜疑。於是于謙上言。口外軍民連歲被兵。不能種藝。恐虜寇野無所掠。擁衆以送駕爲名。突至太原。則山西搖動。而河南淮甸之間。亦可憂矣。空選有謀略文職大臣往鎮山西。上命通往。○先是都給事中葉盛亦嘗言德勝之捷。虛張功次。與羅通言同。

以何文淵爲吏部尚書○以周忱爲工部尚書仍巡撫○  
命兵部侍郎侯璉總督軍務都督方瑛爲副總兵討貴州  
苗○以都察院歷事舉人練綱爲監察御史○十一月上  
皇在迤北○論禦虜功以石亨爲第一封武清侯楊洪進  
昌平侯加于謙少保總督軍務陞石彪都督僉事爲大同  
左叅將。

時侍講劉定之條陳十事其八曰賞罰言石亨于謙等  
將兵禦虜未聞摧陷腥羶迎回鑾輅但迭爲勝負互相  
殺傷而已雖不足罰亦未足賞今亨自伯爵陞爲侯爵  
謙由二品陞爲一品天下之人未聞其功而但見其賞  
豈不怠忠臣義士之心乎今宜使亨等但居舊職勿授

新陞以崇廉恥之節。以作敵愾之氣。夫旣與而不忍奪者。姑息之政也。旣進而不肯退者。患失之心也。上不行姑息之政。下不懷患失之心。則治平可計日而望矣。亦與羅通言同。○按李賢曰。楊洪起行伍。生長邊陲。用詭道以立邊功。歷陞將帥。善於刼營。虜人畏之。然自宣德以來。胡人與中國和好。厚往薄來。未嘗大舉入寇。其有擾邊者。不過朵顏之類。多不過百餘騎。少或十數騎而已。洪以此得立邊功。大抵用誘取之及也。先大舉入寇。洪在宣府。驚惶無措。閉門不出。若土木之圍。洪能在後衝之。必無是敗。及胡人奉上皇至城下。呼之亦不出。救視君父之難。略不爲急。所存可知矣。後召至京師。適虜

寇猖獗。人心驚疑。念以舊將。遂進侯爵。亦終不能大挫賊鋒。然在邊校之諸將。紀律頗嚴。士卒用命。爲一時之巨擘。云嗚呼。由此觀之。要亦非忠勇之將也。

命寧陽侯陳懋尚書金濂討福建賊鄧伯孫平之。

先是懋等受命南征。至建寧。鄧茂七已敗歿。伯孫繼之。勢益熾。懋等乃揭榜招諭。立賞格。能自相擒殺來降者。與斬敵同賞。於是擒斬而降者相繼。有千戶龔遂榮者。入尤溪山中。降其衆數千。而還賊將張留孫。勇而健鬪。自茂七起事。恒倚仗之。遂榮乃爲書遺之。許其自新。謀者傳致之。伯孫伯孫果疑留孫殺之。由是賊將人人自疑。棄伯孫來降。遂進兵沙縣。破貢川。掛口。陳山諸寨。伯

孫就執乃分兵解汀漳之圍八閩遂平。

以都督董興爲總兵官兵部侍郎孟鑑贊理軍務討廣賊黃蕭養○命僉都御史楊信民巡撫廣東○也先遣使索大臣迎車駕○十二月上皇在迤北○虜寇遼東都御史王翱禦却之○虜寇甘州都御史馬昂禦却之

喜寧誘虜奉車駕至甘州欲入陝西直趨南京而脫脫不花方寇遼東不樂出寧夏入陝西故不果南行。

尊皇太后孫氏爲上聖皇太后母吳氏爲皇太后立妃汪氏爲皇后○冊上皇宮嬪周氏爲貴妃

即皇太子生母也

○都御

史張楷下獄放歸田

葉宗留之亂浙江三司官皆歿而楷但以撫賊班師賊

復爲亂故罷楷。

命副都御史耿九疇清理兩淮鹽政。

九疇先以禮科給事中出爲運司同知。節儉嚴肅。無毫髮私。吏胥豪商勢家。凜凜不敢肆。丁內艱。鹽場數千人詣闕乞留。陞都轉運使。嘗坐水旁。有童子曰。水清不若使君清。已而被誣。逮下獄。得釋。至是陞副都御史。清理兩淮鹽法。

初令京府寄牧。

國初官馬養於各苑馬寺。各監苑而已。永樂中始以官茶易和林等處馬。養之民間。謂之茶馬。正統末京師有警。乃選取以備軍資。養於順天府近京屬縣。謂之寄養。

騎操及京師無事寄養之馬不復散去遂爲故事每歲  
孳生陪補之法悉與各處茶馬無異養馬之家雖不盡  
免糧差而陪補受累尤多北方民力疲弊此其大端也



昭代典則卷之十五